



29. juli 2009

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna saqqummiuppara:

Meeqqat atuarianni atuartut aalarteqqaajunerusut ilinniartinneranni aqqusinerni angallannikkut isumannaassuseq illoqarfinnilu angallannerni naliginnaasumik ileqqorisassat pillugit Naalackersuisut ilinnigassatut ilanngunnissaat iluatinnartutut uattulli isumaqarfigaat? Maannakkorpiarlu ataatsimut isigalugu angallannikkut isumannaallisaaneq eqqarsaatigalugu pitsaaliuinissaq Naalackersuisunit pisariaqartinneqarpa?

(Inatsisartuni ilaasortaq Akitsinguaq Olsen, Inuit Ataqtigiit)

Tungavilersuut:

Nunatsinni illoqarfinni anginerusuni ukiut qulit kingulliit ingerlanerini biilit angalasut amerliartorneri uannit isigalugu qularisassaangilaq. Assersuutigalugu tamanna Nuummi takuneqarsinnaavoq, ullaakkummi ualikkullu angallanneq annertoq takuinnarlugu uppersarnerqarsinnaavoq. Taamaammallu meerartavut inuusuttortavullu atuariartornerminni biilit annertusiartortumik angallannerujussuisa nalaani ingerlasariaqartarlutik.

Pissutsit taamattut isigalugit meeqqat atuarianni ilinniartitsinerit aqqusinerni angallanneq pillugu meeqqat inuusuttullu paasinninerunissaanik siunertalimmik iliuuseqalernissaq eqqarsaatigilertariaqartoq isumaqarnarpoq, taamaaliornikkullu aqqusinerni angallannermi isumannaassuseq pillugu ilisimasariaqagaat ullutsinni illoqarfinni aqqusinerni angallannerujussuup kingunerisinnaasaannik ilisimasaqarnerulersillugit.

Naak angallannermik Inatsisip nr. 497 17. juni 2008-meersup allanngortinnera nunatsinni akuerineqaraluartoq isumannaassuseq siunertaralugu tassuunatigut pitsaaliuineq malunnaatilimmillu ilorraap tungaanut sammitilernerqaraluartoq meeqqat inuusuttullu aqqusinerni angallannerat annertunerusumik pitsaaliorneqangilaq. Inatsimmi pineqartumi biilit il.il. angallattut ingerlanerminni malerugassat qitiutinneqarput. Taamaammallu aqqusinerni angallannermi meeqqat inuusuttullu isumannaatsumik ingerlanissaat periuseqartarnissaallu ilanngullugit qitiutinneqarnissaat pisariaqartutut isumaqarfiginarpoq.

Aqqusinerni angallannerup annertusiartornerani ingerlaartut ataasiakkaat piginnaasaannik piunasaqaatit aamma annertusipput, tamannalu ingerlatsisunut pisuinnarnullu il.il. atuuppoq. Taamaammat taama ineriartorneqartillugu

aqqusinerni isumannaatsuuniarnerup ilisimasaqarfigineqarnerata tamakkiisumik ilisimasaqarfigineqarnissaa siunertaralugu ilinniartitaanikkut iliuusissanik aallarniisoqarnissaa pisariaqartutut isumaqarfiginarpoq.

Apeqquteqaammut akissutissami Naalakkersuisut aqqusinerni angallanneq pillugu qanoq eqqarsaatersornerat isummersornerallu paasisinnaajumaarlugu qilanaarlugu ilimagissavara.

Naalakkersuisut akissutissaata ullut qulit qaangiutsinnagit tiginissaa qinnutigissavara.